



Inuussutissarsiornermut, Suliffeqarnermut Inuussutissarsiutinullu ilinniartitaanermut Naalakkersuisoqarfik
 Naalakkersuisoq
 Landsstyremrådet for Erhverv, Arbejdsmarked og Erhvervsuddannelser
 Landsstyremedlemmet
 Ministry of Industry, Labour and Vocational Training
 The Minister

Inatsisartunut ilaasortaq Marie Fleischer

Inatsisartut suleriaasianni § 36, imm. 1 naapertorlugu Piareersarfinni suli-sorisat ilinniagaqartarnermillu aqqissuussinerit pillugit apeqquteqaat.

20. januar 2008
 Sags.nr. 2007-004510
 Dok.nr. 28264

Aallaqqaasiullugu Naalakkersuisut sinnerlugit ajuusaarutigissavara, 2. januar 2008 nunatsinni ilinniartitaanerit pillugit nalilersuinerit tunngasumik apeqquteqaatinnut akissut-sinni Piareersarfiit ilaangimmata.

Postboks 1601
 3900 Nuuk
 Oq/tel +299 34 50 00
 Fax +299 32 56 00
 ip@gh.gl
 www.nanoq.gl

Piareersarfiit kommuninit ullumikkut ingerlanneqartut katillugit atorfeqartunik piffissal-luunniit ilaa ilinniartitsisusartunik 68-inik sulisoqarput. Taakkua ilaat ilinniartitsisutut ilin-niarsimasuupput, aammalu sumiiffimmini atuarfimi aamma ilinniartitsisuullutik, allallu inuussutissarsiutinut ilinniagaqarsimallutik allatulluunniit tunuliaqutaqarlutik.

Inuit Piareersarfinnut saaffiginnittartut assigiinngitsunik pisariaqartitsisusarput. Ilaat suliffeqalernissaminnut piareersimasarput, suliffissamillu innersuutiinnagassaallutik, ilaat kommunini FSA aammalu FSUA-ni pikkorissarnernut innersuutassaasarlutik, imaluunniit inuttut ineriartornermut pikkorissagassaasarlutik. Kiisalu aamma ilaqartarput 2007-imi pilersinneqartuni ingerlaqqittuni inuussutissarsiutinut ilinniartitaanernut pikkorissartitsi-sarnerni (AEU-mi) peqataasartunik.

Kingulliullugit taaneqartuni pikkorissarnerni atuartitsineq Piareersarfinni ilinniartitsisusar-tunit ingerlanneqartarpoq, pingaarnertullu peqataasut matematik-imi, kalaallisoornermi, danskisoornermi aammalu tuluttoornermi piginnaasaannik pitsanngorsaaniarnermik siu-nertaqartarlutik.

AEU-mi pikkorissartitsisarnerit imarisaasigut inunnillu ineriartortitsinermi pitsan-ngorsaaviginiarlugit, 2007-imi ingerlaqqiffiusinnaasunik pikkorissartitsinernik ilinniartitsi-susartunut aqqissuussisoqarpoq, taakkunanilu ilinniartitseriaatsit ilinniartitsissutinillu toqqartuisarneq pingaarnertut sammineqarluni.

Naalakkersuisut illit nalilersuinerit isumaqatigilluinnarpaat, nunatsinni sumiiffinni assigiin-ngitsuni ingerlalluartunik Piareersarfeqartariaqarnerput pillugu, ilinniartitaanerit iluatsin-nissaat siunertaralugu. AEU-mi ilinniartitaanerit, kiisalu pikkorissaanerni atuartitsisarnerit ingerlaavartumik nalilersorneqartassapput, soorluttaaq aningaasanut inatsimmi immik-koortitsisoqarsimasoq Piareersarfiit ikorsertariaqalerfiisigut kommuninit sanilerisaniit imaluunniit Namminersornerullutik Oqartussaniit ikiorserasuarneqarsinnaanerit eqqar-saatigalugu.

Inussiarnersumik inuulluaqqusillunga
 Med venlig hilsen

Siverth K. Heilmann
 Naalakkersuisoq/Landsstyremedlem